

TVringi Saxonum populi, aut vt volunt nonnulli, ijs antiquiores multò Saxoniz coloni, nominis originem vetustate obscuratam habent. Hos Septentrionales populos fuisse asseuerat Beatus Rhenanus, ijsque ex locis sedibusque, quas Prussij, Pomeriani, Liuonijque; hodie occupant, prodijisse credit, ac Cheruscis cum Alemannis discedentibus, in eorum sedes migrasse, cum Toringorum Apollinaris meminerit, recensens eos inter gentes quæ Attilam secutæ sunt, Chonus, Bellonotus, Neurus, Bastarna, Toringus. Idemque Rhenanus locum Pauli Diaconi, vbi Turcilingorum, seu Tungrorum mentionem facit, sic censet legendum: Turcilingi siue Turingi VVendos Sorabosque nonnulli vocatos credunt, eorum olim imperium ac limites ad Mœni ripam & vltra extendebantur. Verùm cum rixarum finis non esset inter hos ac Sueuos, aduocatis Francis Germaniz inferioris ad Rheni ostia populis, retrocessere, hosque admissos tanquam vallum aliquod inter se ac Sueuos collocauerunt, Althamerus existimat in Hermundurorum & Cattorum hos sedes immigrasse, dicit enim vltra Salam Hermundurorum, citra autem Cattos confedisse, ac pro Sala potius flu. pugnasse, quam pro Visurgi. Toringicum igitur ad Hartonem nemora accoluisse Cattos, quibus pulsalioue profectis, vtpote in Hispaniam vbi Cathaloniam condiderint, ijs Toringos ac Heflos successisse, qui etiam nomen suum Cattorum regioni indiderunt. Populos atrox, durus, minaxque in hostem, corpora viris procera, robusta, ac proportionata. Regio populosissima, quæ Regibus olim suis paruit. Hodie Comitatus prouincialis, vulgò Lantgrauij dignitate contenta est. Ciuitatem, vrbemue habet metropolitanam Erphesfordiam seu Erdfurdiam. Nomini occasione præbuisse ferunt eiusmodi casum: Fuit in eo loco vbi nunc ferè est templum D. Andreæ, Villa cognomento Schildemoda, ad hanc transitum seu passagium, vt vocant, habuit celebris quidam molitor in Bruleto eiusdem oppidi monte, per Ieram ibi stagnantem illi molitori nomen fuit Erf, inde vrbem totam Erffordiam, quasi dicas Erfsfurdt appellatam esse ferunt. Furdtenim vadum incolarum lingua dicitur, cum Bicurgium alioquin diceretur, vti nonnulli ex Ptolemæo conijciunt. Eadem & Germaniz propemodum totius vrbs maxima censeatur. Hæc Episcopalis olim erat, Bonifacio (vt aiunt) Germanorum Apostolo conditore. ea dignitas, deinde Moguntiam translata dicitur. Celebris etiamnum literarum Gymnasio floret, quod anno 1392. ibidem conditum fertur. Ecclesijs aliquando parochialibus circiter 25 eximie ornata erat. Iera flu. vrbem perluit, eamque à sordibus purgat. Adiacens etiam ager nulli fertilitate secundus, habet & Franckenhufiam, Sunderhufiam, & Sangerhufiam, Armstadium, & Salfeldiam, vrbes haud mediocris fortunæ. Motibus vndeque circumfusa regio, intus ager campusque planus, vrbibus caltrisque mirè exornatus. Gleba fertilis frumentorum omnis generis, & leguminum etiam fertilissima, obsoniorum quoque ac fructuum vix quicquam desiderat. Si vnum demas, quod et si ibidem non nascatur, tamen aliunde quo ad necessitatem inebriari possint, importatur. Natim herbam tinctoribus vsitatam affatim producit. Fluminibus irrigatur regio quam plurimis, eorum verò nobiliora sunt: Saltza, VVerra, & Vnstrut. ignobiliores autem: Ilmus, Iera, Leine, Or, Halbe, VVipper, Sorseng, VVeita, & alij fluuioli ignobiliores. Syluis etiam hinc inde conspersa est, quæ Hercyniz portiones sunt, ac Thuringica sylua (à Ptolemæo Semana sylua dicitur, & Bacenis sylua, & Harto) late nota, Haynich, Hainseite, Finne, cum alijs nonnullis. Montes etiam minararum fecundos inesse testatur Herodotus, auri argenti que; venis diuites, qui prope Braitenborni-



bornium ac Schwartzenburgum reperiuntur. Franchusia etiam diuites salis mineras
habet Hæc Saxonie prouinciæ inter Fracos VVestphalosq; sita, Bohemos Saxoneseq;
ad Ortum, Sueuos ad Occasum, Rhenenses ac VVestphalos ad Septentrionem, ad Græcū
uentum Mansfeldiæ comitatum: Francos Bauarosq; ad Austrum habet. Longitudi-
nis autem eius initium est ab Occidente à 27. gradibus 42. longit. vbi est Cruirzbur-
gum. finem autem facientem Orientem versus sub 19 gradibus 15. minutis longitudi-
nis, vbi est Naumburgum. Ab Austro autem latitudinis initium facit à 50 gradibus
& 53. minutis, vbi Salfeldia sita est, & in Septentrionem porrigitur ad 51 gradus, & 39.
minuta latitud. vbi est Eislebia ciuitas. Est ergo iuxta finem 8 Climatis, quod est per
mediam Mæotim, vsque ad principium noni, quod est per Agrippinam Coloniam.
Ita vt parallelus eius Australior sit 18. ac dies ibidem prolixior horarum 16. cum qua-
drante. Borealior autem 19. vbi dies prolixior horarum 16. cum dimidia. ita vt latitu-
dinem habeat (hoc est. ab Austro in Boream) miliarium Germanicorum 13. Itali-
corum autem 51. latitudinem autem ab Occidente in Orientem mili-
arium Germanicorum 14. cum dimidia. Italicorum ve-
rò quinquaginta octo.

